

INDEX GEOGRAPHICUS. 21

eoque postea tributum negante, & paulo post mortuo. v. 6. Filius ejus Ioachin regnat pro eo. v. 11. Venitque Nabuchodonosor Rex Babylonis ad civitatem (Ierusalem) .. ut oppugnaret eam. v. 12. Egressusque est Ioachin Rex Iuda ad Regem Babylonis. v. 13. & protulit inde omnes thesauros Domus Domini, & Domus regiae. v. 14. & transtulit (Nabuchodonosor) omnem Ierusalem, & omnes principes, & transtulit quoque Ioachin in Babylonem. v. 16. duxitque eos Rex Babylonis captivos in Babylonem. v. 17. & constituit Matthaniam patruum ejus pro eo; imposuitque nomen ejus Sedeciam. v. 18. & undecim annis regnavit in Ierusalem. v. 20. recessitque Sedecias à Rege Babylonis. c. 25. v. 1. Anno nono regni ejus (Sedeciae) Nabuchodonosor iterum obsidet Ierusalem. v. 4. fugit Sedecias, v. 5. comprehensusque v. 6. ducitur ad Regem in Babelthar. v. 7. ubi filii Sedeciae in conspectu patris occisi sunt, & ipsi effossi oculi, catenisque vinctus adductus est in Babylonem.

Baca Josef. 3. Bell. 4. Unde (à Bersabe) superioris Galilae latitudo incipit, & protenditur ad usque Baca vicum, qui Terram dirimit Tyriorum.

Bahurim oppidum five castrum in Tribu Benjamin. Cum reduceretur ad Davidem Michol, filia Saulis; vir suus alter Phaltiel eam sequebatur plorans usque Bahurim. 2. Reg. 3. Eod. lib. c. 16. cum fugeret David à facie Absalom, venit usque Bahurim. Et ecce egrediebatur inde vir de cognatione domus Saul, nomine Semei; & maledicebat, & mittebat lapides contra David. Sed Absalone mortuo, & Semei veniam deprecanti ignoscit David.

Bala. V. Baala.

Balaath urbs duodecima in Tribu Dan, Ios. 19. v. 44. Eademque est, quae inter firmissimas Salomonis. 2. Paralip. 8. v. 6.

Baloth, Asor-Nova lego. Baloth-Asor, quae est Asor-Nova five Inferior Asor. Vide Animadversiones. Ceterum Baloth-Asor, quae est Nova-Asor, mihi decima est inter urbes primae partis Tribus Juda. Josue 15. v. 24. & 25.

Bamoth vallis, in regione Moab, Numer. 21. v. 19. & 20. statio Israelitarum inter Nahaliel, & verticem Phasga.

Bamoth-Baal Josue 13. v. 17. Dibbon quoque & Bamoth-Baal, & oppidum Baalmaon sunt in Tribu Ruben.

Bane, ex octodecim urbibus Tribus Dan decima quarta est. Josue 19. v. 4.

Barach, ex octodecim urbibus Tribus Dan decima quinta describitur apud Josue 19. v. 45.

Basan, five Basanitis regio trans Jordanem, extenditur à Torrente Jaboc ad montes Libani, Hermon, & Seir: & sub ea comprehenduntur minores aliquot districtus: ut Terra Argob, Terra Gessuri, Terra Machati, aliaeque, in quibus omnibus fuere urbes 60. quas expugnavit Jaïr, & appellavit Havoth-Jaïr, i. oppida Jaïr. In Basanitide fuere olim Pop. Raphaïm, ex quibus Og Rex Basan; etiam quercus Basan propter altitudinem celeberrimae fuerunt.

Basan urbs. Vide Astaroth.

Bascama 1. Machab 13. Tryphon pecuniâ pro Jonathae (quem in Ptolemaide dolo retinuerat) redemptione datâ, acceptâque, nihilominus Jonatham, & filios ejus perfide occidit propè Bascamam.

Bascath inter Lachis & Eglon describitur Josue 15. v. 39. octava inter sexdecim urbes tertiae partis Tribus Iuda.

Basiothia V. Bersabee & Animadversiones.

Bathuel, Bethul, Gephil. Vide Bethul.

Latit.	Longit.
Gr. Scr.	Gr. Scr.

33. 12. 67. 18.

31. 44. 66. 49.

31. 20. 65. 20.

31. 48. 66. 0.

31. 8. 65. 52.

31. 20. 67. 20.

31. 39. 67. 35.

31. 53. 66. 2. $\frac{1}{2}$.

31. 51. 65. 51.

33. 0. 68. 10.

31. 10. 67. 52.

31. 37. 66. 23.

31. 11. 65. 16.

31. 17. 65. 39.